



[www.BibleForChildren.org](http://www.BibleForChildren.org)

# Pinpiik 3




Tɔn, ki Adam pur u ŋaapoo sann lif,  
kimaan ŋɔɔe tee nisaarii kur naa.



Waauko din tee wunba mɔk  
kpinkpanii yan ki gar bonkobit nba  
kur ki Yennu nan. Ŋanne ki waauk  
maŋ din tan boi poo na a, “Yennu set  
beti a i daa di tisiak loona  
kpaab na ni-i?”



Ki poo na jiin a,  
“U yaa tii di tilɔna  
kur nba be kpaab na ni,  
ɲaan tiik nba see kpaab  
sinsuuk ni na, Yennu yet a ti  
daa di tiik maɲ lɔna, a ti-i siir  
gbaa ɲaan see ki ti kpo.”



Ki waauk man yet  
poo na a, “Li ki tee  
monii kaa. I kan kpo,  
kimaan Yennu mi nan  
daar nba ki i dii tiik na  
lɔɔna, i numpo saa yente,  
ki i ji tee nan Yennu man  
na, ki sii mɔk yan nba  
bɔkitir bonɔann nan  
bonbiir.”



Ki poo na la ki tiik na ŋan nan dinu, ki u numm gboo tiik maŋ, ki u mək niɔŋ nan wun di lɔɔna na kii sub. Ki u pɔɔr tiik na lɔɔna ki dii, ki bia tur u sɔrɔ, ki u mun dii. Li yoo na ki bi kur numpo yent, ki bi ji bann nan bi somm yanae. Ki bi ji kɔnn faat ki nyaa bi tɔɔna po.





Ŋaan ki Yennu yiin Adam a, “A be lee?” Ki Adam jiin a, “N gbat a sommire kpaab na ni, ki janmaanii mokin, ki n borii, kimaan n be yanne.” Ki Yennu boio a, “Ŋmee beta nan a be yanni? A dii loona nba ki n beta nan a daa di na amii?”



Ŋanne ki Adam jiin a, “Poo nba ki a turin a min nan ŋoo-ii be na, ŋooe turin loona maŋ, ki n dii.” Ki ŋoo Yennu boi poo na a, “Bee ki a tun nna?” Ki u jiin a, “Waauk nae kpannin, ki n dii.”







Ŋanne ki ti Yomdaano Yennu ber  
nyinno Edenn kpaab na ni, ŋaan  
te ki u ko kpaab, tin nba ki ŋoo  
Yennu jii namo na paak.




Ŋanne ki Yennu te ki bonfoa nba  
mɔk kpinkpant be Edenn kraab na  
yondopo, ki mɔk jukbanjiak, ki li  
tee nan muu na, ki ŋmantir ki  
guu sɔnu nba saa manfoor tiik  
na boor.




Ki Adam dɔɔr nan u ŋaapoo, ki u soor poor ki mar bik,  
ki purɔ Keenn, ki yet a, “Yennu sommir paake ki n la  
jɔɔ.” Li poorpo ki u mar u waarɔ Abel. Ki Abel din goon  
pei, ŋaan ki Keenn tee kpakoɔrɔ.



Ki dasiar Keenn tan jii u kpaab jeet ki baar nann, a wun tur Yennu. Ki Abel mun jii u sinsinn bonkobit matii yemm nant nba njan ki tur Yennu. Ki Yennu numm gboo Abel nan u piinii, njan ki u numm ki gboo Keenn piinii. Ki Keenn wutoor doo bonchiann, ki u numpo biir.



Ki Keenn pak nan u waarɔ Abel a, ((“Ŋaant ki tin saan muuk ni.”)) Baa saan ki be muuk ni yoo nba, ki Keenn wor u waarɔ Abel ki kpiiu.



Ki Yennu boi Keenn a, “A waarɔ Abel be lia?” Ki u jiin a,  
“N ki mi. Mine tee n waarɔ guuto-ɔ?” Ki Keenn nyii  
Yennu boor, ki saan kar tin nba sann tee Nod, ki li be  
Edenn yondo po na.



Ki Adam dɔɔr nan u ŋaapoo biak, ki u mar bik, ki yet a,  
“Yennu turin bik ki senn Abel, wunba ki Keenn kpɛi na  
taar niwa.” Li paak, ki u puro Sef.



Adam nba din mar Sef, ɲaan u din dii bina kobii  
ɲanniin, ki mək bonjai nan bonpoi. Bina nba Adam  
din dii u manfoor ni tee kobii ɲanyaia  
nan piintaee, ki kpo.







Ki Yennu la nisaarik tonu nba yabit tingboun  
na ni, nan u dudukit kur nba tee bonbiir  
bianjinba, ki li biir u par, ki u mo koo  
nan waa nan nisaarik tingboun  
na ni na.



Ŋanne ki u yet a, “N saa biir nisaarik nba ki n namo tingbouŋ na niŋ nawa, li niib nan bonkobit nan bonbubokit nan bon-yuyukit, kimaan n mo koo nan maa namm nawa.”



Ŋaan Yennu numm din gboo Nowa, ki u tino  
ninbaauk. Nowa din mək bonjai bantaa, ki bi  
sana tee Sem nan Ham nan Jafef.



Kimaan Yennu mantik loon tingboun  
na bonchiann; li paak, ki u turit u  
Biyemmir, ki wunba teen u Bija man  
yada, u tan kan koo muu ni,  
naan u sii mok manfoor nba  
kaa gbennue.



Rom Teeb 3:23 kimaan nisaarii kur tun toonbiit ki ki be fanu nan Yennu nba loon bianjinba na.

Rom Teeb 6:23 Kimaan biit nyoot tee kuume, naan Yennu piinii tee manfoor nba kaa gbennue, ti Yomdaano Yiisa Masia paak.

Hiibru teeb 9:27 Yennu senn a see ki niro kur n kpo yomkoo, ki li poorpo ki wun bu u buut.

Efesus teeb 2:8,9 Yennu ninbatinu na paake ki i tinn, kimaan yaa teen Masia yada na.

Soo kan fit nyu bara li paaki, kimaan li ki tee u tior toona paak kaa; li tee Yennu piiniie.



Rom Teeb 10:9,10 Li-i tee ki a set pak a mob ni ki yet a Yiisa tee Yomdaano, ki bia teen yada a par ni nan Yennu set fiino kuun ni, Yennu saa tinnawa.

Kimaan niro nba teen Yiisa yada u par ni na paake, ki Yennu yet a u tee niqano u toonn, waa pak kat na paake ki u la tinnu.

Joonn 3:16,17 Kimaan Yennu mantik loon tingbouŋ na bonchiann; li paak, ki u turit u Biyemmir, ki wunba teen u Bija maŋ yada, u tan kan koɔ muu ni, ŋaan u sii mok manfoor nba kaa gbennue, kimaan Yennu nba din tun u Bija tingbouŋ na ni, u din ki tumo a wun tan bu tingbouŋ na niib buut ki biirib kaa, ŋaan u din yaa wun tinnibe.



1 Joonn 5:11-13 Yennu siara maŋ tee nnae:  
a u turit manfoor nba kaa gbennu,  
ki manfoor maŋ nyii u Bija Yiisa nie.

Wunba gaa nan Yennu Bija na, ɲɔɔe mɔk  
manfoor maŋ; ɲaan wunba ki gaa nan Yennu  
Bija maŋ-i, u ki mɔk li manfoori.

N sobin gbouŋ na ki teen yimm nba teen Yennu  
Bija yada nae, kimaan n loon ki i bann nan i  
mɔk manfoor nba kaa gbennu.



# Pinpiik 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Adapted by: M. Maillot; Tammy S.

Bimoba Bible (bim) © 2003,  
Wycliffe Bible Translators, Inc.

<https://live.bible.is/bible/BIMWBT/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

